

ԵՐԵՎԱՆԻ 2750-ԱՄՅԱԿԻՆ ՆՎԻՐՎԱԾ ԳԻՏԱԺՈՂՈՎՆԵՐ

Սովետական Հայաստանի մայրաքաղաք Երեւանի Հիմնադրման 2750-ամյակի կապակցությամբ գիտական մի շարք հաստատություններում տեղի ունեցան հանդիսավոր գիտական ժողովներ:

Հոկտեմբերի 16-ին կայացավ ՀՍՍՀ գիտությունների ակադեմիայի ընդհանուր ժողովը, որը ներածական խոսքով բացեց ակադեմիայի պրեզիդենտ, ակադեմիկոս Վ. Համբարձումյանը:

Երևանն իր հիմնադրման օրից մինչև այժմ տեսել է հարյուրավոր սերունդներ,— ասաց նա.— բայց վերջին սերունդներին վիճակվեց մեծ գործերի կենսագործում: Մոտ հինգ տասնամյակների ընթացքում սոցիալիստական հանրապետության աշխատավորները կերտեցին իրենց հոյակապ երևանը, որն այսօր համարվում է լավագույն ու գեղեցիկ մայրաքաղաքներից մեկը: Ներկայիս Երևանը գերազանցում է այն երազանքները, որ երբեք ունեցել են նրա բնակիչներն ու կառուցողները: Իկյ մեծ նվաճումների համար Հայաստանի աշխատավորներն իրենց շնորհակալական խոսքն են ուղղում կոմունիստական կուսակցությանը, Սովետական մեծ Միությանը, որի բազմազգ բնտանիքում ստացել են ապրելու և ստեղծագործելու լայն հնարավորություններ:

Ուրարտական ամրոցներ Երևանի տերիտորիայի վրա՝ գեղեցիկ մոլորակների վրա՝ ՀՍՍՀ ԳԱ ակադեմիկոս Բ. Պիոտրովսկին: 1862 թ. Կովկասի հարավում հայտնի դարձան ուրարտական սեպագրերը, սակայն այդ ժողովրդի մշակույթի մասին էր անհայտ: Իկյ առթիվ մի շարք պեղումներ կատարվեցին Ուրարտական պետության կենտրոնում՝ Վանա լճի ավազանում: Սովետական կարգերի հաստատումից հետո գիտնականները հնարավորություն ստացան սխտեմատիկ աշխատանքներ կատարելու Կարմիր բրուրում գտնվեց մի քարի բեկոր սեպագրերով, որտեղ հիշատակվում էր ուրարտական թագավոր Ռուսայի անունը: Իկյտեղ պեղումները ըսկրվեցին 1939 թ. և Քարունակվում են մինչև օրս: Պարզվեց, որ բլրի վրա գտնվել է միջնաբերդ, իսկ շուրջը քաղաք՝ Թեյշեբախին: Պեղումների շնորհիվ բացվեց 150 սենյակներից բաղկացած մի մեծ շենք, այդ թվում արհես-

տանոցներ ու մառաններ: Հայտնաբերված են ցորենի, գարու հատիկներ, գինու կարասներ: Միջնաբերդում գտնվել են կավից ամաններ, մետաղյա և բրոնզե զենքեր, զարդեր, կենցաղային առարկաներ: Սեպագրերը հաղորդում են, որ Թեյշեբախինում կառուցված են եղել բազմաթիվ տաճարներ: 1950 թ. վերսկսվեցին հնագիտական աշխատանքները Լարին-բերդում, որտեղ գտնվեց մի նոր սեպագիր արձանագրություն այն մասին, որ Մենուայի որդի Լարգիշտի թագավորը մ. թ. ա. 782 թ. կառուցել է բերդ և անվանել էրբուրին: Պեղումների ընթացքում բացվեցին մեծ սյունաշար տաճար, պալատական շենք, տնտեսական շատ կառույցներ: Որոշ ժամանակ էրբուրին եղել է վարչական կենտրոն և թագավորական նստավայր: Հետագայում նա կորցրել է իր նշանակությունը, բայց կյանքն այնտեղ երբեք չի դադարել:

«Էրբուրին-Երևան» միջազգային առևտրի մայրուղիների վրա՝ գեղեցիկ մոլորակների վրա՝ ՀՍՍՀ ԳԱ ակադեմիկոս Ս. Նուրյանը: Էրբուրին-Երևանը,— ասաց նա,— միջազգային ապրանքափոխանակության ասպարեզում զգալի դեր է կատարել: Ստրաբոնի վկայության համաձայն միջազգային առևտրական փոխանակության համար Թոսպորի թագավորության, Բաբելոնի ու Հնդկաստանի միջև միջնորդներ եղել են հայերն ու մեղացիները: Իկյ հանգամանքն առնչություն ունի նաև Էրբուրին-Երևանի սկզբնական պատմության հետ: Մեզ հասած տեղեկությունները որքան էլ սուղ են, այնուամենայնիվ, անուղղակի փաստերի հիման վրա բերում են այն եզրակացության, որ միջազգային առևտրի մայրուղին անցել է Լարաբսի հովտով և ճյուղավորվել Լարարատյան դաշտում, հատկապես Էրբուրինի շրջակայքում, ապա հասել Մեծամոր ու Զավաթ: Հենց դրանով էլ պայմանավորված է այն հանգամանքը, որ Էրբուրին իր գոյության ըսկրզրնական շրջանում առաջատար դեր է կատարել Լարարատյան դաշտավայրում: Ուրարտացիներին հայտնի էր այն ճանապարհը, որը Էրբուրինից Հրազդանի ընթացքով գնում էր դեպի Սևանա լիճ և Լեզստե գետի հովիտը: Եղել է նաև մի այլ հանգուցակետ, որտեղից ճանապարհը ճյուղավորվել է դեպի արևմուտք՝ Վրաց

աշխարհ, այնտեղից էլ Կողբիսի նավահանգիստը, ապա դեպի արևելք, Աղվանք և Մերձկասպյան Մաղթաց թագավորությունը: Հելլենիստական շրջանում Երևանի դիրքը դարձել է ավելի հաստատուն, զարգացել է ապրանքափոխանակությունը, Սինուպից դեպի Միջերկրական ծով գնացող քարավանային ճանապարհները անցել են Արարատյան դաշտավայրով՝ էրեբունիի ու Արտաշատի վրայով:

«Երևանը Սովետական Հայաստանի մայրաքաղաք» զեկուցումով հանդես եկավ պատմ. դիտ. դոկտոր Ա. Սիմոնյանը: Հայաստանում սովետական իշխանության հաստատումով սկսվեց պատմական նոր դարաշրջան, — ասաց նա, — վերացվեցին Երևանի զարգացումը կաշկանդող կապանքները, առաջ եկան նոր գործոններ, որոնք աննախադեպ էին նրա 2750-ամյա պատմության մեջ: Վերջին տասնամյակների ընթացքում քաղաքը զարգացավ, ստացավ ճարտարապետական նոր տեսք. դարձավ ժամանակակից էներգետիկայի, քիմիայի, մեքենաշինության, ռադիոէլեկտրոնիկայի, թեթև և սննդի արդյունաբերության խոշոր կենտրոն:

* * *

Հոկտեմբերի 15-ին Երևանի պետական համալսարանում տեղի ունեցավ գիտական նստաշրջան, ուր բացման խոսք ասաց համալսարանի ռեկտոր, ՀՍՍՀ ԳԱ ակադեմիկոս Մ. Ներսիսյանը: Երևանի պատմությունը, — ասաց նա, — սերտորեն կապված է հայ ժողովրդի պատմության. նրա տնտեսական, կուլտուրական զարգացման ընթացքի հետ: Երևանը մեծ դեր է խաղացել ազգային-ազատագրական շարժման մեջ, մասնավորապես Հայաստանի Ռուսաստանի հետ միավորվելու համար մղված պայքարում: Երևանը ականատես է եղել հայ ժողովրդի պատմական ճակատագրին, մի դաժան ճակատագիր, որից սակայն չի մարել Երևանի բոցն ու ծուխը:

«Հնագույն Երևանը» զեկուցումով հանդես եկավ պրոֆ. Թ. Հակոբյանը: Նա հանգամանորեն խոսեց հին և միջնադարյան Հայաստանի քաղաքների, մասնավորապես Վաղարշապատ, Արմավիր, Տիգրանակերտ, Դվին, Անի մայրաքաղաքների մասին, որոնք պատմական այս կամ այն շրջանում մեծ դեր են կատարել մեր ժողովրդի կյանքում: Սակայն միայն Երևանն է, որ հարատևել է մեր պատմության ողջ ընթացքում՝ լինելով ժողովրդի հավաքման և մշակույթի կարևորագույն կենտրոն: Երևանը հնությունների այնպիսի հանգույց է, ուր կարելի է գտնել քարե, պղնձե, բրոնզե, ուրարտական, հնագույն հայկական, անտիկ և հետագա ժամանակաշրջանների նյութական կուլտուրայի մնացորդներ:

17 Հանդես, № 4

էրեբունին կառուցվել է տասնյակ տարիների ընթացքում: Նա եղել է Բիայնայի ամենահզոր բերդը Արարատյան դաշտավայրում: Ուրարտուի անկումից մինչև մ. թ. VII դարն ընկած ժամանակահատվածի Երևանի պատմության ամենահուսալի աղբյուրը քաղաքում ու նրա շրջակայքում հայտնաբերված հնագիտական ու դրամագիտական նյութերն են, որ վկայում են, թե հրկանն այդ դարերում ևս նշանավոր բնակավայր էր:

«Երևանը հայ մատենագրության մեջ» թեմայով զեկուցեց պրոֆ. Ա. Աբրահամյանը: Նա ասաց, որ քաղաքի մասին տարբեր վկայություններ են պահպանվել պատմիչների, ճանապարհորդների մոտ, Մատենադարանի ձեռագրերի հիշատակարաններում, անձնական նամակներում: Սերեռոսը, Ուստանեսը, Հովհաննես Դրասխանակերտցին, Զաքարիա Քանաքեռցին, Նաղաշ Հովնաթանը, վիճագիր արձանագրությունները պատմում և հիշատակում են քաղաքի մասին, թշնամու արշավանքների, սովի ու տարերային աղետների մասին:

«Սոցիալիստական Երևանը» զեկուցումով հանդես եկավ պրոֆ. Վ. Պարսամյանը: Թվերի լեզվով նա ցույց տվեց Երևանի տնտեսության ու կուլտուրայի աճը:

* * *

Հոկտեմբերի 17-ին ՀՍՍՀ Մինիստրների սովետին առընթեր Մաշտոցի անվան հին ձեռագրերի ինստիտուտ Մատենադարանում տեղի ունեցավ գիտական նստաշրջան: Բացման խոսքով հանդես եկավ Մատենադարանի դիրեկտոր, ՀՍՍՀ ԳԱ թղթակից-անդամ Լ. Խաչիկյանը: Նա նշեց Երևան քաղաքի պատմական դերը հայ ազգի մշակույթի զարգացման մեջ:

«Միջնադարյան Երևանի բանաստեղծները» թեմայով զեկուցում կարդաց պատմ. դիտ. դոկտոր Ա. Մնացականյանը: Էրեբունիի հիմնադրումից հետո, — ասաց նա, — քերթության շատ մշակներ է ծնել Երևանը, որոնցից քչերի անուններն են մեզ հայտնի: Մատենադարանի ձեռագրերում պահպանվել են մի շարք գրողների անուններ, որոնց թվում է գրիչ Երևանցին (ծն. 1330 թ.): XVII—XVIII դարերում Երևանը հայ դպրությանը տվել է այնպիսի գործիչներ, ինչպիսիք են Զաքարիա Քանաքեռցին, Աբրահամ Երևանցին, Սիմեոն կաթողիկոս Երևանցին, Մարգար Խոջենց Երևանցին, վերջապես՝ Մեսրոպ Քաղիաղյանն ու Խաչատուր Աբովյանը:

Պատմական գիտ. թեկնածու Մ. Դաբբիեյանը հանդես եկավ «Զաքարիա Քանաքեռցին և նրա «Պատմությունը» զեկուցումով: Զաքարիայի գրքի հիմնական մասը XVII դ. պատմությունն է, որ

քննարկում է կարևոր ու հետաքրքիր նյութեր այդ շրջանի վերաբերյալ, մասնավորապես Շահ Աբբասի ավերիչ արշավանքների մասին: Պատմիչը նաև նկարագրում է 1679 թ. երկրաշարժի հետևանքները, որոնք հնարավորություն են տալիս վերականգնել հին Երևանի պատկերը:

«Ազատագրական շարժումները Երևանում XVIII դարի վերջին» թեմայով զեկուցում կարգաց պատմ. գիտ. թեկնածու Վ. Գրիգորյանը: Հայաստանի ազատագրման ծրագրում, — ասաց նա, — Երևանի ազատագրումը առաջնահերթ խնդիրներից մեկն էր: Ապրելով պարսից լծի տակ, քաղաքի բնակիչները աշխատել են ամեն կերպ նպաստել այդ գործին: 1804, 1808, 1827 թթ. ռուսական զորքերի դեպի Երևան կատարած արշավանքների ժամանակ երևանցիների ջանքերը դրսևորվեցին ավելի մարտական ձևով:

«Ներագծեր հին Երևանի երաժշտական դիմանկարից» վերնագրով զեկուցում կարդաց արվեստ. թեկնածու Ն. Խահմիզյանը: Նա նշեց, որ հին Երևանում մեծ զարգացում էին ստացել հոգևոր պրոֆեսիոնալ երաժշտությունը և գուսանական արվեստը:

Այնուհետև «Երևանի գրչության կենտրոններ» զեկուցումով հանդես եկավ Մատենադարանի ավագ գիտաշխատող Ա. Մարևոսյանը: Երևանը և նրան շրջապատող գյուղերը (Նորք, Քանաքեռ, Նորագավիթ, Նորագյուղ) հանդիսացել են միջնադարյան գրչության կենտրոններ: Քաղաքից և շրջակա գյուղերից մեզ հասել են ավելի քան 50 ձեռագրեր:

* * *

Հոկտեմբերի 11-ին ՀՍՍՀ ԳԱ պատմության և հնագիտության ու ազգագրության ինստիտուտները անցկացրին համատեղ գիտական սեսիա: Բացման խոսքով հանգես եկավ ՀՍՍՀ ԳԱ թրղթակից-անդամ Բ. Առաքելյանը: Երևանի հիմնադրման մասին, — ասաց նա, — մենք ունենք 11 արձանագրություն, բայց դեռ նախնադարյան ժամանակներում քաղաքի տեղիտորիան հայտնի է որպես բնակատեղի: Այդ են վկայում տարբեր դարաշրջաններից հայտնաբերված բազմաթիվ հնագիտական նյութեր:

«Երևանի հիմնադրումը» զեկուցումով հանդես եկավ պատմ. գիտ. թեկնածու Մ. Իսրայելյանը: Նա կանգ առավ քաղաքի հիմնադրմանը վերաբերող մի շարք փաստերի վրա: Վանա ժայռի

արձանագրությունից հայտնի էր, որ Ուրարտական պետությունում կար էրեբունի քաղաք, սակայն նրա տեղն անհայտ էր: 1950 թ. Արինբերդում գտնված մի շարք սեպագրեր ցույց տրվեցին քաղաքի տեղը: Զեկուցողի կարծիքով հրեանում այդ վայրում ապրել են ոչ թե ուրարտացիներ, այլ տեղացի ուրիշ ցեղեր:

«Արարատյան դաշտը որպես հին Հայաստանի մայրաքաղաքների օրրան» զեկուցումով հանդես եկավ պատմ. գիտ. դոկտոր Գ. Սարգսյանը: Նա նշեց, որ դեռ Ուրարտուի ժամանակ էրեբունի, Արգիշտիի, Թեյշեբաինի քաղաքները կառուցվել էին Արարատյան դաշտավայրում: Դա նշանակում է, որ այդ շրջանը եղել է Վանի թագավորության երկրորդ կենտրոն: Ուրարտական թագավորության անկումից հետո քաղաքների ֆունկցիաները պահպանվեցին: Արմավիրը (նախկին Արգիշտիի խիլին) ծաղկել է մ. թ. ա. IV դ.: Երվանդ թագավորը կառուցել է Երվանդաշատ քաղաքը մ. թ. ա. II դ.: Ավելի ուշ մայրաքաղաք է դարձել Արտաշատը, որը իբրև քաղաքական, տնտեսական ու մշակութային կենտրոն մնացել է մինչև մեր թվագրության IV դարը:

Երևանի միջնադարյան հուշարձանների մասին զեկուցում կարդաց պատմ. գիտ. դոկտոր Վ. Ղաֆադարյանը: Վերլուծելով Երևանի տեղիտորիանում գտնված շուրջ 300 արձանագրությունների բովանդակությունը, զեկուցողը հանգում է այն եզրակացության, որ միջնադարյան Երևանը այդպիսով շրջապատված մի գյուղաքաղաք է եղել, ուր հայտնի են Պողոս-Պետրոս, Կաթողիկե, Զորավոր եկեղեցիները, առևտրական տներ, քարվան-սարայներ և բերդը: XIII դ. քաղաքում կառուցվել են «Քարե կամուրջ», «Կարմիր կամուրջ», նոր եկեղեցիներ, մզկիթներ, մինարեթներ:

Պատմ. գիտ. թեկնածու Վ. Դիլոյանը զեկուցում կարդաց «Երևանը XVIII դ. և XIX դ. առաջին կեսին» նյութի մասին: Նա նշեց մասնավորապես քաղաքի դերը ազգային-ազատագրական շարժման մեջ:

«Սոցիալիստական Երևանը» զեկուցումով հանդես եկավ պատմ. գիտ. թեկնածու Վ. Կոզմոյանը, որը ընդգծեց Երևանի նշանակությունը Սովետական Հայաստանի արդյունաբերության, կուլտուրայի, քաղաքաշինության զարգացման բնագավառում:

Է. ՊԵՏՐՈՍՅԱՆ